



Novitads dalla suprastonza communal Lumnezia

Migiur per il menaschi da gastronomia a Davos Munts

La suprastonza communal ha elegiu Prisca Capaul da Vattiz sco migiura per il menaschi da gastronomia a Davos Munts naven digl 1. da matg 2019.

Elecziun d'ina emprendista per l'administraziun communal

La suprastonza communal ha elegiu Lenia Collenberg da Morissen sco emprendista per l'administraziun communal Lumnezia. Ella entscheiva igl emprendissadi mercantil cun maturitad professiunala (profil M) igl uost 2019.

Archiv cultural Lumnezia

La suprastonza communal ha mess a disposiziun localitads per archiv ell'anteriura casa da scola ad Uors alla Fundaziun da cultura Lumnezia.

Surdadas incaricas da lavur

La suprastonza communal ha decidiu las suandontas surdadas d'incaricas da lavur:

- a. prolungaziun dil santeri dad urnas a Degen:
 - lavurs d'impresari alla fatschenta da baghegiar Savoldelli Tanno SA da Vella
- b. trapass dil santeri dad urnas a Cumbel:
 - lavurs d'impresari alla fatschenta da baghegiar Collenberg SA da Lumbrein
- c. via da Puzzatsch – Parvalsauns a Vrin:
 - lavurs da sondaschas dil terren alla fatschenta Ribbert AG da Maiavilla
 - rapport geologic e geotecnic alla fatschenta BTG Büro für Technische Geologie da Scharans
- d. via parcella nr. 8488 da Rumein a Degen:
 - cuvrida cun garter da crappa alla fatschenta Collenberg SA da Lumbrein
- e. sanaziun dalla via da meglieraziun nr. 5 a Surcasti:
 - lavurs d'impresari alla fatschenta Valaulta Berni SA da Rueun
- f. sanaziun dalla casa da scola Sutvitg a Vella:
 - lavurs d'impresari da baghegiar alla fatschenta Valaulta Berni SA da Rueun
 - lavurs da cuvrida alla fatschenta Stradun SA da Schluein
 - cuvrida da gummi sil plaz da sport alla fatschenta Walo Bertschinger SA da Cuera
 - izolaziun dil tetg plat alla fatschenta Demont-Lombris Odilo da Vella
 - sanaziun dil parchet ella halla plurivalenta alla fatschenta Casutt & Cavelti GmbH da Falera

Traffic public gratuit

La suprastonza communal ha decidiu da serrar giu cun la AutoDaPosta SA ina cunvegnientscha per che indigens e hosps sappien nezegiar gratuitamein ils mieds da traffic publics per la sesiun d'unviern 2018/19.

Webcam Davos Munts

La vischnaunca Lumnezia ha survegniu regalau ina nova Webcam da dunna Ursula Capaul che posseda ina casa da vacanzas a Lumbrein. La suprastonza communal ha concediu il credit per schar far las installaziuns electricas necessarias sil crest sur igl areal da recreaziun a Davos Munts.

Controlla dils scaldaments pigns da lenna

La suprastanza communal ha prolungiu il contract cul spazzatgamin Ursin Derungs da Vella per la controlla dils scaldaments da lenna ella vischnaunca Lumnezia.

Conclus dalla radunonza communal Lumnezia dils 15 da zercladur 2018

Dalla radunonza communal Lumnezia dils 15 da zercladur 2018 han las votantas ed ils votants priu ils suandonts conclus:

- approbau il quen annual 2017 e dau scarica alla suprastanza communal
- deliberau la lescha davart igl uorden public per la vischnaunca Lumnezia per mauns dalla votaziun all'urna, che ha liug ils 23 da settember 2018
- approbau ils projects e concediu ils credits corrispundents:
 - CHF 350'000 per l'etappa 2018 dalla sanaziun dalla casa da scola Sutvitg a Vella
 - CHF 190'000 per il sistem da separar l'aua piarsa schubra e tschuffa e per novs conducts per deviar aua da plievgia egl areal Sut Vitg, Zigliolas e Cresta a Morissen
 - CHF 160'000 per in vehichel communal pil survetsch tecnic dalla vischnaunca
 - CHF 260'000 per ina maschina da pista per far loipas e sendas d'unviern
- Concediu il dretg da burgheis dalla vischnaunca Lumnezia a:
 - Anna Barbara Capaul-Stämpfli, oriunda da Berna BE e Meilen ZH
 - Florentina Shenari, oriunda da Gjakova (Kosovo)
 - Sara Ullrich, oriunda da Berlin (Germania)